

# Вьетнамин Демократическ Республикин маши тосхлгъна промышленностин ЭКЦНЬ

ХАНОЙ. (ТАСС). Вьетнамин кўч-кўлсчнр дакн нег шин производственн ик диилвр кўццхав: Вьетнамин Демократическ Республикин маши тосхлгъна промышленностин эклц болгч — Ханойск механическ завод — кўдлжӕх предприятиясин зерглӕнд орв.

ВДР-н промышленностин министр Ле Тхань Нгхи эврӕннӕ ӕгдӕн иигдж герчлв: техникин сўл кўцлмўдӕр агсгдсн эн предприятие орн-нутгин экономикин олн зўсн халхиг теткхмн. Эн—заводсин завод. Энўнӕ тосхлт тўгслгън — ВДР-н национальн промышленность гаргългъна хаалгъд болн социализмўр уралан йовгч хаалгъд кегч шин ик ишкдл болдж гарв. Эн нўўрлгч, маши тосхлгъна шин предприятие темдглдж, тосхдж агсхд болн эн предприятиин тўлӕ мана келн-ӕмтнӕ кадмуд белдхд ӕнн хар уга седклӕсн доньгӕн кўргсн Советск Союзин Коммунистическ партъд, правительствд болн советск цуг олн-ӕмтнд бидн ик байртагъар, ӕрўн седклин ханлтан ӕргджӕнӕвдн.

Тер заводт кўдлджӕсн советск специалистрин багин гардгч инженер Н. А. Певцов, вьетнамск тосхачнриг, монтажникўдиг болн заводт кўдлӕчн-

риг, диилвр бӕрснднӕ йӕрӕлин ӕг келв.

ВДР-н премьер-министрин дарук Фан Ке Тоай улан лентиг керчв. Гичнр, тедн дунд бӕӕсн Вьетнамин кўч-кўлсчнрин партин политбюрон члед Ле Зуен, Чьонг Тинь, Нгуен Зуй Чинь, бас тер мет газадин орн-нутгудин дипломатическ элчнрин толгъачнр заводиг ордж гӕӕхцхав.

Завод кўцц технологическ циклтӕ. Энўнд цўбгъин, болдин болн оньгтӕ цутхмрин цехс, дархна-шахврин, термическ, эврӕн цуглуллгъ келгънӕ, нань чигн цехс бӕӕнӕ. Советск Союзин маши тосхлгъна 50 предприятие эврӕннӕ продукциян на-аран илгӕсн. Вьетнамин кўдлмшчнр эн заводт эврӕннӕ гарар кедж гаргъсн, фрезери, токарн, зорлгъна, бургудлгъна станоксиг болн нань чигн оборудованиг ирсн улс хӕлӕцхав.

Вьетнамин сулдхгдсн олн-ӕмтн сўл гурвн джилин эргцд, социалистическ орн-нутгудин хар уга доньгӕр, промышленн 38 шин предприятие тосхв. Государственн промышленностин продукц гаргъдг кемджӕн, 1955 джилинлӕ дўнцўлхд, 1957 джилд 9 холванас ӕлў ӕсв.